

青神縣志卷三十三

蠲政志

康熙二十五年奉

上諭湖南福建四川貴州地方昔年為賊竊踞民遭苦累今雖獲有寧宇更宜培養以厚生民四川貴州兩省所有二十六年應徵地丁各項錢糧俱著蠲免二十五年未完錢糧亦著悉與豁除

康熙三十二年奉

上諭廣西四川貴州雲南四省俱屬邊地土壤磽瘠民生艱苦與

青神縣志

卷三十三蠲政

共

腹內舟車輻輳得以廣資生計者不同朕時切軫懷歷歲以來屢施恩恤積欠錢糧俱經次第蠲豁茲念育民之道無如寬賦矧邊省地方非再沛優恤之恩則閭閻無由充裕所有三十三年四省應徵地丁糧米著通行蠲免

康熙四十二年奉

恩詔雲南貴州四川廣西四省俱屬極邊之地朕未經巡視數年以來又未嘗蠲免錢糧宜更施恩澤四十三年四省應徵地丁各項錢糧通著蠲免

康熙四十九年奉

恩詔朕八齡踐祚之初

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思民爲邦本勤恤爲先政在養民蠲租爲急數十年以來除水旱災傷例應豁免外其直省錢糧次第通蠲一年者屢經舉行更有一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕歲供御所需概從儉約各項奏銷浮冒亦漸次釐革外無師旅餉饋之

青神縣志

卷三十三 蠲政

七

煩內無工役興作之費因以歷年節省之儲蓄爲頻歲渙解之恩膏朕之蠲免屢行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而民生所以未盡殷阜者良由承平旣久戶口日蕃地不加增產不加益日用不給理有必然朕洞矚此隱時深軫念爰不靳敷仁用甦民力明年爲康熙五十年思沛大恩以及吾民直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇人丁銀一百一十

五萬一千兩有奇歷年舊欠一百一十八萬五千四百兩有奇俱着免徵其餘應蠲省分次第遵行

雍正七年閏七月奉

上諭數年以來甘肅四川雲南貴州廣西五省有用兵兩藏及勦撫苗蠻等事其一應軍需皆動用公帑備辦秋毫不派及於民間而糧餉轉輸亦有資於民力今藏地苗疆俱已寧謐朕心嘉慰特沛恩膏將庚戌年五省額徵地丁銀兩悉行蠲免
乾隆十一年奉

上諭四川雲南貴州等省應徵地丁錢糧通行蠲免餘省次第施行
青神縣志
卷三十三 蠲政
三
乾隆十三年奉

上諭四川金酋不法大兵勦撫一切軍需皆動支

國帑而轉運飛芻不能不需用夫役借資民力所有十三年應徵地丁錢糧著緩徵

乾隆四十一年二月十三日奉

上諭年來征勦金川軍需糧項皆官爲辦給而負任運供不免稍資民力川省百姓踴躍急公甚屬可嘉業已疊次加恩將乾隆四十年以前應徵錢糧特令該督等查明分數分別酌免茲金川全境蕩平逆酋兄弟及助惡頭人悉就擒獲紅旂報

提大勲告成用是廣布恩施以昭優恤着該督文綬將川省
節年應徵緩帶錢糧查明承辦運務地方就其出力輕重差
務繁簡分別妥酌或全行蠲免或量其分數蠲緩之處詳細
按實迅速奏聞朕將特普渥恩用副嘉惠勞民至意欽此嗣
奉行知青神縣四十年分應徵錢糧蠲免七分
乾隆五十五年元旦奉

上諭今歲屆朕八旬壽辰仰荷貽庥率土稱慶以至梯航重譯祝
嘏來庭從古史牒實所罕覩是宜廣宣湛闡敷錫兆民用叶
崇禱以答嘉貺著將乾隆五十五年各直省應徵錢糧通行

青神縣志

卷三十三蠲政

四

蠲免

乾隆六十年十月初八日奉

上諭朕臨御以來勤求民隱日有孜孜惟期藏富於民家給人足
仰荷

吳蒼眷佑

列祖貽庥寰宇昇平重熙累洽行慶施惠闔澤頻加節經費免天下
漕糧三次地丁錢糧四次其餘遇有偏災隨時蠲賑不下千
萬億兩近將各省積欠錢糧概行蠲免又復數千餘萬兩所
以子惠元元休養生息者至周且渥今朕紀年慶符周甲丙

辰元旦舉行歸政典禮為嗣皇帝登極初元大廷授受篤祐
延釐實為曠古吉祥盛事允宜廣布恩綸俾薄海羣黎共霑
湛愷本欲於新正傳位後降旨但思二月間即屆開徵之期
恐遠省接奉稍遲着即將嘉慶元年各直省應徵地丁錢糧
通行蠲免以示朕與嗣皇帝愛育閭閻同錫恩施至意

嘉慶二年奉文全免本年正閏地丁錢糧

嘉慶七年奉文蠲免本年地丁錢糧十分之二

嘉慶八年奉文蠲免本年地丁錢糧十分之二

同治元年正月初五日奉

青神縣志

卷三十三蠲政

三

建昌兵備道鄂 折開案准

布政司毛咨咸豐十一年十月二十四日奉

總督部堂駱 批本兼署司呈詳奉准

兵部火票遞到

議政王軍機大臣 字寄

盛京將軍 奉天府府尹 吉林黑龍將軍 直隸江蘇安徽江

西浙江福建湖北湖南河南甘肅山東山西四川廣東廣西

雲南貴州各督撫咸豐十一年十月初四日奉

上諭本年奏大金州地震三姓地方歉收黑龍江地方收成歉薄

直隸永年等州縣被旱江蘓江甯等府被兵桃源等州縣被
圍秋禾木棉被災奉賢等廳屬州縣被災浙江各屬被淹被
旱寧波等府屬被災嘉興等府屬被淹定海廳被擾福建汀
州等府被擾湖南沅江縣被水河南陽武縣地被沙壓臨潼
縣地畝河占沙壓甘肅西甯等縣被擾山東滋陽等縣被擾
汶上等縣被擾成災最重之凌縣等州縣歉收山西臨汾等
縣歉收文水等處秋禾未能豐稔解霍二州歉收廣東樂昌
等縣被擾貴州貴陽等府屬被擾節經各該省奏到已分別
豁免蠲緩征減免減徭量予撫恤小民諒不可致失所惟

念來春青黃不接之時民力未免拮据著傳諭該將軍督撫
府尹等體察情形如有應行接濟之處卽查明據實覆奏務
於封印以前奏到候朕於新正降旨加恩再吉林地方被水
直隸大名廣平府屬被擾山東各屬被水被蠹山西薩扯齊
廳被淹河南黃河以南各府州屬被災浙江仁和等縣被蠹
被淹被擾杭州等府屬被擾被水被旱海甯等州縣被淹福
建台灣府被水收成減色江西南昌等縣被淹廣昌等縣被
淹清江等縣被淹湖北江湖水漲堤垸被淹黃州等府被擾
湖南豐州等州縣被淹華容等縣被淹廣東興甯屬被水南

海等縣被水甘肅隼蘭等州縣被雹被水被旱四川富順等縣被擾均據該將軍督撫等奏明委員查勘並酌予賑濟撫恤卽著迅速辦理並將來春應否接濟之處一併查明於封印前奏到此外賊擾害地方有應行調劑撫恤之處著一併查奏候朕加恩將此各諭令知之欽此遵

旨寄信前來等因承准此除分咨外合就札行爲此札仰該司卽便欽遵查照辦理並移明臬司鹽巡各道通飭各屬一體遵照毋違等因奉此當卽欽遵移行確查在案復查川省自九年九月軍興以來迄今兩載有餘計筠連高縣慶符青神彭

山丹稜蒲江名山榮經天全榮昌永川射洪仁壽彰明江油安縣會理黔江等十九縣先後被賊竄陷城池又松潘一廳亦被逆番攻尙未收復另有井研綿州遂寧眉州四州縣被賊圍困日久其餘如三台安岳中江樂至蓬溪鹽亭宜賓順南溪屏山隆昌珙縣樂山峨眉洪雅夾江犍爲榮縣威遠邛州大邑雅安蘆山溫江金堂彭縣崇寧崇慶州雙流新津簡州什邡郫縣灌縣新繁漢州德陽綿竹羅江梓潼資州資陽內江南充營山廣安岳池蓬州江津綦江銅梁大足涪州南川合州璧山定遠瀘州劍州彭水六十州縣均屬受害之區

茲奉

諭旨聖詢來春應否接濟仰見我

皇上軫念災黎有加無已凡屬川民無不同聲感戴惟川省被擾之處較多若通行賑恤足以廣

皇仁而培元氣第值此時艱又覺難於博濟緣地方情形各有不同或賊踞未久或旋復或所擾僅只數場或往來均係過境兼之川民多已奉行堅壁清野之法修築堡壘囤積資糧賊來則暫時遷避賊去卽仍舊復業其受害有輕重之分則撫恤自應量爲區別竊思川省輕徭薄賦受

青神縣志

卷三十三蠲政

五

國家二百餘年養養深恩綜計每年正供不及大省十分之二況川民素稱好義歷年舉行津貼勸辦捐輸小民無不踴躍從公輸將恐後固由於川民急公效順亦由於民力尚可支持故地方雖經賊擾而正供猶能勉強完納現在賊氛未靖兵勇雲集所有本省軍餉及籌撥京餉尙須藉資民力本兼署司悉心體察凡被擾未久及受害較輕之處業經扎飭各地方官隨時撫恤招徠不致失所其失陷各州縣及被圍日久之井研綿州遂寧眉州等處民困未舒自應優加體恤現已督飭各地方官察看情形妥爲設法安職隨地籌辦接濟備

民力實形拮据未能將地丁津貼同時完納者再行斟酌妥
洽分別量予蠲緩總期上籌

國計下恤民生俾災黎不致流離軍餉得以無悞所有查明來春
似可毋庸接濟緣由是否有當理合具文詳請俯賜察核具
奏奉批仰候察核具

奏另檄行知繳等因奉此除移臬司鹽道外合就移知爲此合移
煩卽轉飭所屬一體知照施行